



大宋文鑑卷之二十三

詩類

五言律詩

泛溪

梅

堯臣

發句陵

梅

堯臣

聞鴈

梅

堯臣

和謝仲弓廷評栽竹

梅

堯臣

覽含元殿基因想昔時朝會之盛且感其興廢

蘇

舜欽

五哀詩

屈平李牧晁大夫馬伏波

司馬

光

訪徐冲晦


郎

簡

郎事

王

安石



招丁元珍

半山春晚即事

定林

自白土村入北寺

和象之北軒書事

平居

明皇

送趙樞寺丞宰夏化縣

出嶺題石灰鋪

同家復古遊大林寺

冬至

晚涼閑步

王 安石

王 安石

王 安石

王 安石

韓 維

王 安國

鄭 獬

陶 弼

陶 弼

周 敦頤

邵 雍

邵 雍

重九登石閣

悟人一言

陳公廩園修禊事席上賦

和王正仲熙寧郊祀二十韻

和鄭閔中仙居

和子由初到陳州

過廣愛寺觀朱瑤畫

過淮

乘舟過賈收水閣二首

郊祀慶成

新年二首

倦夜

邵 雍

邵 雍

程 頤

劉 放

陳 襄

蘇 軾

蘇 軾

蘇 軾

蘇 軾

蘇 軾

蘇 軾

蘇 軾

次韻王晦叔

蘇軾

次韻公定世弼登北都東樓二首

黃庭堅

歲寒知松柏

黃庭堅

款塞來享

黃庭堅

神宗皇帝挽詞二首

黃庭堅

次韻崖伯易席上所賦

黃庭堅

司馬文正公挽詞二首

黃庭堅

范忠文公挽詞二首

黃庭堅

和荅錢穆父詠猩猩毛筆

黃庭堅

次韻秦少章晁適道贈答詩

黃庭堅

和文潛舟中所題

黃庭堅

漢陽親舊携酒追送聊為短句

黃庭堅

次韻廖明略陪吳明府白雲亭宴集

黃庭堅

贈楊明叔

黃庭堅

閑居有感

李宗易

江上逢晁適道

崔子方

荷花

豐稷

寄鄭介夫

畢仲游

春日獨游南園

楊蟠

聞赦有作

張舜民

曾子固挽詞二首

陳師道

司馬溫公挽詞二首

陳師道

登城樓

陳師道

和王子安至日

陳師道

送吳先生謁惠州蘇副使

懷遠

張芻令餘杭

種圃

近清明

晨興

都梁亭下

舟中曉思

南澗月夕

廣武山懷古

春日遊金明池

獨步懷元中

陳師道

陳師道

孫處

張耒

張耒

張耒

張耒

俞紫芝

劉季孫

李昭玘

洪朋

宿范氏水閣

石牛莊閑居

見黃太史

題折氏下城園

春日書懷

江上晚步

題呂少馮聽雨堂

春日有懷

泛溪

中流清且平捨楫任舡行漸近鷺猶立已透村覺橫何妨綠樽滿  
不畏晚風生屈賈江潭上愁多未適情

洪朋

崔鷗

高荷

吳則禮

潘大臨

潘大臨

李彭

林敏功

梅堯臣

梅堯臣

秋雨密無跡濛濛在一川孤村望漸遠去鳥飛已先向晚雲漏日  
微光人倚船安知偶自適落岸逢沙泉

聞鴈

梅

堯臣

濕雲夜不散薄處微有星孤鴈去何急一聲愁更聽心應失舊侶  
翅已高青真幾日江湖上鳧鷖共滿汀

和謝仲弓廷評栽竹

梅

堯臣

移得溪邊翠來為庭下陰惜根存舊土帶筍助新林暗換蕭蕭葉  
知虛寸寸心東風莫搖撼培壅未應深

覽合元殺基因想昔時朝會之盛且感其興廢

蘇

舜欽

在昔朝元日千門動地來方隅正無事輔相復多才仗下簪綬肅  
天中繖扇開皇威瞻斗極曙色辨崔嵬赤案波光卷鳴鞭電尾回

熊羆驅禁衛雨露覆蘭臺橫賜傾中帑窮奢役九垓只知營國用  
不畏屈民財翠輦遂移幸旻天未悔災羣心尊困獸回首變寒灰  
曾以安無慮翻令世所哀行人看碧瓦獨鳥下蒼苔雖念陵為谷  
遙知禍有胎青編遺迹在此地亦悠哉

五哀詩

司馬光

孔子惡利口之覆邦家者甚矣讒之為害不可一二數也聊觀戰  
國以來楚之屈原趙之李牧漢之晁錯馬援齊之斛律光皆負不  
世之才竭忠於上然卒困於讒不能自脫流亡不得其所而死或  
者國隨以丘墟此其尤可大哀者也因即其事作五哀詩且以警  
後世云

屈平

白玉徒為潔幽蘭未謂芳窮羞事令尹疎不忘懷王寃骨銷寒渚

忠奄失舊卿空餘楚辭在猶與日爭光

李牧

椎牛饗壯士技距養奇材虜帳方驚避秦金已闌來旌旗移莫府  
荆棘蔓叢臺部曲依稀在猶能話郭開

晁大夫

人主恩猶盛讒夫弄舌端旋聞就斧質不得解衣冠反虜齒饒冷  
謀臣心盡寒晁宗噍類盡漢室泰山安

馬伏波

漢令班南海蠻兵避鬱林天涯柱分界徼外貢輸金坐失姦臣意  
誰明報國心一棺忠勇骨漂泊瘴煙深

斛律丞相

君臣日荒宴歌舞諱言愁老相猶當國強鄰不敢謀謠言雖未出

姦謗已先流誰察忠臣意通宵抱膝憂

訪徐冲晦

郎簡

湖上訪高士徑深行綠苔應聞山犬吠知是野人來岸幘出相接  
柴門自為開林間清話久薄暮傍舟回

即事

王安石

徑暖草如積山晴花更繁縱橫一川水高下數家村靜揭雞鳴午  
荒尋犬吠昏歸來向人說疑是武陵源

招丁元珍

王安石

默上不自得紛七何所為畫曼聊取食獵較久隨時秋入江湖暗  
風生草樹悲黃花一杯酒思與故人持

半山春晚即事

王安石

春風取花去酬我以清陰翳七陂路靜交七園屋深林敷每小息

杖履或幽尋惟有北山鳥經過遺好音

定林

王安石

漱甘涼病齒坐曠息煩襟因脫水邊履就敷巖上衾但留雲對宿  
仍值月相尋真樂非無寄悲蟲亦好音

自戶工村北寺

王安石

雨過百泉出秋聲連衆山獨尋飛鳥外時度亂流間坐石偶成歇  
看雲相與還會須營一畝長此聽潺湲

和象之北軒書事

韓維

舍北多嘉樹垂陰及四鄰清風常滿竹好鳥不驚人圖史無它物  
謳吟佚此身應容里中客一醉倒冠巾

平居

王安國

締綰散南風平居觸事慵古今無適莫義命有違從水鳥迎秋舫

山花映夕春故鄉圖畫見畫老愧塵容

明皇

鄭辯

四海不搖草九重藏禍根十年傲堯舜一笑破乾坤夷狄皆寇讎  
豺狼盡子孫潼關兵已破會憶老臣言

送趙樞寺丞宰慶化縣

陶弼

路入南雲下如何輕解携人煙五嶺北星斗大江西暖雪梅花樹  
晴雷贛石溪青杉欲無埃不奈鷓鴣啼

出嶺題石灰鋪

陶弼

馬度嚴關口生歸喜復嗟天文離卷舌人影背含沙江勢一兩曲  
梅梢三四花登高休問路雲下是吾家

同宋復古遊大林寺

周敦頤

三月山方暖林花互照明路盤層頂上人在半空行水色雲含白



禽聲谷應清天風拂巾袂縹緲覺身輕

冬至

邵雍

何者謂之幾天根理極微今年勿盡處明日未來時此際易得意  
其間難下辭人能知此意何事不能知

晚涼閑步

邵雍

得處亦多矣風前任鬢班年過半百外天與一生閑瑩靜雲間月  
分明兩後山中心無所愧對此敢開顏

重九日登石閣

邵雍

事出一時間時過事莫閑當時深可愛過後不堪看夏去休言暑  
冬來始講寒人能知此理憂患自難干

悟人一言

邵雍

百慮謀猶拙一言迷自開世間無大事天下有雄才唯恐人難得

寧憂道未厭忘心都去盡何復病塵埃

陳公真園修禊事席上賦

程顥

盛集蘭亭舊風流洛社今坐中無俗客水曲有清音香篆來還去  
花枝泛復沉未須愁日莫天際是輕陰

和王正仲點寧郊祀二十韻

劉敞

駿命膺長發鴻圖本慎徽八方星拱極四海日升暉舊典增咸秩  
彌文示表徵聖時均玉燭天統正璿幾南極迎陽復陰泉候氣歸  
積高常眷顧昭孝每無違羽衛來雙闕和銜並六飛風霆齊命令  
龍虎會旗旂帳殿層城暮金波列宿稀嚴更虛夜鼓彫輦下彤闈  
廣樂千人唱升煙萬目睇衆神知受記象物歸來依陟降兼明察  
圓方比範圍送音仍鬻上昇福想霏上霈澤蘇軾動春陽暢瑾彘  
慶深周揭厲感極至歡歡多士參鳴玉微生則阜衣肅雍瞻帝武

牽引近天威儒館鷄鷩舊長謠錦繡輝因知子雲賦何足頌魏

和鄭閔仲仙居

陳襄

我愛仙居好臨民必以誠簿書無日暇獄訟積年生子始至也家

折細民田土者必驗分明予治而歸之或有年深而亡籍者亦吏

詞訟三年分戶二千凡有產而無業積年空納其租許其還主者

不可勝數百疾求歲補千鈞待準平嗟予不如古斯道未能宏

我愛仙居好隆儒數大方諸生今講藝予每講書罷又令童子俾

升堂公暇每有童子十數人至買地興民學因孔子廟後營起學

其驅車下黨庠小學則下以觀童子三年邑未化官滿意彷徨

我愛仙居好公餘日在房憂民極反覆責已未周詳法律行隨手

詩書坐滿箱老來須向學多病喜平康

和子由初到陳州

蘇軾

舊隱三年別杉松好在吾今尚眷眷此意恐悠悠閉戶時尋夢

無人可說愁還來送別處雙淚寄南州

廣愛寺朱瑤畫

蘇軾

朱瑤唐晚輩得法尚雄深蒲寺空遺迹何人識苦心長廊歌雨脚

破壁撼鐘音成壞無窮事他年復弔今

過淮

蘇軾

好在長淮水十年三往來功名真已矣歸計亦悠哉今日風冷客

平時浪作堆晚來洪澤口捍索響如雷

乘舟過賈收水閣二首

蘇軾

獨上風蒲亂倚七水荇長小舟浮鵬綠大杓瀉鵝黃得意詩酒社

終身魚稻鄉樂哉無一事何處不清涼

曳杖青苔岸繫舡枯柳根德公方上冢季路獨留言已占蒲魚港

更開松菊園從茲來往數兒女自簪門

郊祀慶成

蘇軾

帝出乘昌運天心予太平文章三代繼制作七年成大祀乾坤合  
剛辰日月明泰壇朝掃地魄寶夜垂精仰御圓蒼蓋還觀海岱城  
北流吞朔易南極落撓搶升燎靈光荅回鸞瑞霧迎霏雲徧枯槁  
解雨達勾萌可頌非天德因箴亦下情民言知有酌帝謂本無聲  
富國由崇儉斬年在好生無心斯格物克已自消兵化國安新政  
孤臣反舊耕還將清廟什留與野人賚

新年二首

蘇軾

小雨暗人日春愁連上元水生挑葉渚煙濕落梅村晚市人歸盡  
孤舟鶴浴翻猶堪慰寂寞漁火亂黃昏  
北渚集羣鷺新年何所之盡歸喬木寺分占結巢枝生物會有役  
謀身要及時何當禁畢心看引雪衣兒

倦夜

蘇軾

歌枕倦長夜小窓猶未明孤村一犬吠殘月幾人行衰鬢久已白  
旅懷空自清荒園有絡緯虛織竟何成

次韻王晦叔

蘇軾

鐘鼓江南岸歸來夢自驚浮雲世事改孤月此心明雨已傾盆落  
詩仍翻水成二江爭送客上杪看橋橫

次韻公定世弼登北都東樓二首

黃庭堅

真皇多廟勝仁祖用功深卜宅遷九鼎破胡藏萬金百年休戰  
士當日縱前禽欲斷匈奴臂不如留此心

漢皇勤遠略晚節相千秋不足中原地猶思一戰收聖朝方北  
顧斜日倚東樓廟筭知無敵寒儒浪自愁

歲寒知松栢

黃庭堅

歲寒知松栢

詩頁

羣陰彫品物松柏尚栢栢老至惟心在相將到歲寒霜嚴御史府  
兩立大夫官儀象溝中斷徽絃爨下殘光陰一鳥過斬伐五牛難  
春日輝桃李蒼顏亦預觀

款塞來享

黃庭堅

前朝夏州守來款塞門西聖上開皇極降書付狄鞬橐來瞻日月  
勞面帶金犀殿陛閑干羽邊庭息鼓聲求輸量谷馬不作觸藩羝  
聲勢常相倚令聞定五溪

神宗皇帝挽詞二首

黃庭堅

文思昭日月神武用雷霆制作深垂統憂勤減夢齡孫謀開二  
聖求命對三靈今代誰班馬能書汗簡青

鈞築收賢輔天人與聖能輝光唐六典度越漢中興百世神宗  
朝千秋永裕陵帝鄉無馬跡空望白雲乘

次韻崔伯易席上所賦因以贈行

黃庭堅

迎新與送故渠已不勝勤民賣腰間劍公寬柱後文諸郎投賜沐  
高會惜臨分去國雖千里分憂即近君

司馬文正公挽詞二首

黃庭堅

國在多艱日人如大雅詩忠清君沒世孝文是生知加璧延諸老  
橐弓撫四夷公身與宗社同作太平基  
毀譽蓋棺了于今名實尊哀榮有主命終始著民言蟬冕三公府  
深衣獨樂園平生兩無累憂國愛元元

范忠文公挽詞二首

黃庭堅

信道雖常爾知人乃獨尊書林身老大諫紙字欵傾鰲去三山動  
人危五鼎烹保全天子聖九杖送餘生

公在昭陵日文章近赤墀空嗟伏生老不侍邇英惟去國幾三虎

聞韶待一夔誰言蓋棺了新樂鎖蛛絲

和谷錢穆父詠猩猩毛筆

黃庭堅

愛酒醉魂在能言機事疎平生幾量殺身後五車書物色看王會  
勲勞在石渠拔毛能濟世端為謝揚朱

次韻秦少章晁適道贈谷詩

黃庭堅

二子論文地陰風雪塞廬寧穿東郭履不奉子公書士固難推挽  
時聞有詔除負暄真得計獻御恐成疎

和文潛舟中所

黃庭堅

雲橫疑有路天遠欲無門信矣江山美懷哉謹逐魂長波空求記  
佳句洗眩昏誰奈離愁得村醪或可尊

漢陽親舊携酒追送聊為短句

黃庭堅

接浙報官府敢違王事程宵征江夏縣睡起漢陽城鄰里煩追送

杯盤滿濁清祇應瘴鄉老難答故人情

次韻廖明略陪吳明府白雲亭宴集

黃庭堅

江淨明花竹山空響管絃風生學士塵雲繞令君筵百越餘生聚

三吳遠接連庖霜力落鱸執玉酒明舡葉縣飛來鳥壺公謫處天

酌多時暴譴舞短更成妍唯我孤登覽觀詩未究宣空餘五字賞

文似兩京然整是肱三折官當歲九遷老夫看鏡罷衰白敢爭先

贈楊明叔

黃庭堅

窮竒投有比鴻鵠止丘隅我已魑魅禦君方燕雀俱道應無芥帶  
學要盡工夫莫斬後徂我明堂待棟樑

閑居有感

李宗易

進退荷君恩孤懷豈易論以閑銷日月何力報乾坤架上書千卷  
花前酒一樽相持兩成癖此外盡忘言

江上逢晁適道

崔子方

渺渺連江雨微微到面風主人留一餉佳士得相逢會面嗟何晚  
論詩許有功君家好兄弟更覺此心同

荷花

豐稷

桃李二三月此花泥滓中人心正畏暑水面獨搖風淨利如金湧  
嘉賓照幕紅誰歌採菱曲舟在曉霞東

寄鄭介夫

畢仲游

鄭子安強否梅花萬里春如何投虎穴直欲犯龍鱗此闕今無數  
南方信有人可憐妻子在年少不謀身

春日獨遊南園

楊蟠

天淨鳥飛遠路幽花自香春風吹草木野水滿池塘事去青山在  
人間白日長興來搔短髮微意久難忘

聞赦有作

張舜民

擊破頃街道傳聲過水濱國嚴三歲禮恩洗萬家春舟楫親南斗  
衣冠拱北辰嶺南并嶺北多少望歸人

曾子固挽詞二首

陳師道

早棄人間事真從地下游丘原無起日江漢有東流身世從違裏  
功名取次休不應須禮樂始作後程仇

精爽回長夜衣冠出廣庭勲庸留琬琰形象付丹青道喪餘篇翰  
人亡更典刑侯芭才一足白首太玄經

司馬溫公挽詞二首

陳師道

恭默思良弼詩書正百工事多違謝傳天遽奪楊公一代風流盡  
三師禮教崇若無天下議惡美併成空

百姓歸周老三年待魯儒世方隨日化身已要人扶玉几雖來晚

明堂訖授圖心知死諸葛終不羨曹蜍

登城樓

陳師道

城郭春容晚因行可當遊飛來雙蛺蝶目盡一浮鷗峽嶮山將合  
江平水却流同來端與盡為且小遲留

和王子安至日

陳師道

物理有終極人情從往還陰陽消長際老疾去留間申白徒懷惠  
巢由不買山更歌吾和汝風日稍侵頽

送吳先生謁惠州蘇運使

陳師道

聞名欣識面異好有同功我亦慙吾子人誰恕此公百年雙白鬢  
萬里一秋風為說任安在依然一秃翁

懷遠

陳師道

海外三年謫天南萬里行生前只為累身後更須名未得平安

空懷故舊情斯人有如此無復涕縱橫

張芻令餘杭

孫處

經年獨窮處此去豈無營最近吾民病無嗟縣令名官卑人易信  
政肅化方行更有論心處前溪水正清

種圃

張耒

慨合亦為圃從人笑我癡自求佳草木仍挿小藩籬吾事正如此  
人生聊自怡霜松未及尺獨我見竒姿

近清明

張耒

斜日去不駐好風來有情江城過風雨花木近清明水樹閑照影  
山禽時引聲吾年行老矣淹泊蹇何城

晨興

張耒

端居歲已晏杖屨亦蕭然雲霧窓前日秋明樹外天大江寒欲落

諸嶺雲逾鮮白首無聊劇昏昏只醉眠

都梁亭下

張耒

金塔青冥上孤城蒼蒼中淺山寒帶水早日曰吹風人事劇翻手  
生涯真轉蓬高眠待春漲鮭菜伴南公

舟中曉思

張耒

樹色未啼鳥桹聲初度航客燈青映壁城角冷吹霜飄泊年來甚  
羈游情易傷年豐清潁尾吾計亦差良

南澗月夕

俞紫芝

華髮念秋晚青燈憐夜長香圃菊花露寒著摘林霜月在北窓底  
人行南澗旁凄然不知去身與兩俱忘

廣武山懷古

劉季孫

楚漢共相接乾坤晝亦暝虎爭千里震龍戰四郊腥故壘從誰問

嚴祠自昔靈光風吹敗木落日任飄零

春日遊金明池

李昭玘

日有江湖思坐無車馬塵橫橋自照水啼鳥不驚人輦路晴飛絮  
宮門暗鎖春多晴老園吏灑地喜相親

獨步懷元中

洪朋

淨盡西山日深行城北村琅璫鳴佛屋薜荔上僧逗晴雨慰曉腹  
夕風清病魂所思渺江水誰與共忘言

宿范氏水閣

洪朋

枕水鑿疏櫺雲扉夜不為難聲連地籟林影亂天星人淨魚頻躍  
秋高露欲零何妨呼我友乘月與揚舲

石牛莊閑居

崔鶻

不識春風面知從底處來紅深桃靨破綠靜水簾開物外心常掛



人間事不諧從今江海去無復世推排

見黃太史

高 荷

萬里南溪郡黃香得賜環盛名喧海內摧翮返雲間太史實誠峻  
郎官選亦慳朝廷才特起堂奧援誰扳一夢追前事羣公厄後艱  
中傷皆死禍放逐罕生還別駕之戎楚僑居傍草管想知諸鳥道  
聞說異人寰楊子家元窘王維室久鰥鵬來心破碎援叫淚浹潺  
達觀終難得羈愁必易刪衆情相惻憫靈物自恬憫迴閱澄秋晚  
幽窈簪夜跼蜀天何處盡巴月幾回灣墜履魂空斷遺弓涕忽潛  
石門淒殿楮銅雀慘宮鬟帝統聯仁聖皇恩感豔頑網羅疏黨禁  
誅蔓掃朋姦點檢金閨彥凋零玉筍班尚今宗廟器迭備鬼門關  
拊髀咨詢及含香誥命頒笑談趨赤縣吟詠落烏巖奏記懷東觀  
移文頷此山應將九遷待未補七年閑士愧千鈞弩身謀五兩論

遐藏欣望氣延仰竊窺斑昌谷詞源窄涪溪筆力孱斷輪深類扁  
挾斧欲隨般鵠卵真能伏龍鱗敢望攀不嗔無紹介試遣略承顏

題折氏下城南

吳 則禮

繫馬後河川可人冬景妍要看花到地付與水浮天未覺隨戎馬  
端來喚酒船誰云是開塞勝事總堪傳

春日書懷

潘 大臨

舟楫凌章水風濤接蠡湖龍媒成跬步驪頰微軀樂土供游戲  
深文若繫拘胃中雖魄磊牆外或歌呼老去嵇康懶歸來窻子愚  
千鍾真臭腐十畝借膏腴春雨何曾密園花竟自都小橋藏細柳  
方沼出新蒲酒熟拈巾漉經傳帶雨鋤行盤隨所有坐客幾時無  
日轉槐陰暮門通鳥徑透仰頭看哺敷引手亦將鷄撫事盆繅繭  
勞生力轉樞形骸浮大塊毛髮煉洪爐世論幾膠柱人心盡好竿

吾自著潛夫  
看龍非至計射雉屈良圖借箸方隆漢推枰已滅吳從渠盡麟閣

江上晚步

潘大臨

白鳥沒飛煙微風送上舡江從樊口轉山自武昌連日月懸終古  
乾坤別逝川羅浮南斗外黔府若何邊

題呂少馮聽雨堂

李彭

碧澗寒侵屋幽雲夜度窗貪看山入坐怪聽雨鳴廊苦乏陰堅句  
聊登孺子牀非君無汲引寄散學潛郎

春日有懷

林敏功

風高收雨急日薄過愬微梅藥初迎鴈春溪欲染衣形容今日是  
遊衍昔人非節物關愁者歸鴻正比飛

大宋文鑑卷之二十三

大宋文鑑卷之二十四

詩類

七言律詩

和御製夏日垂釣作

徐鉉

內宴應制

曹翰

豫章胡氏華林書堂

張齊賢

春日書懷

寇準

春夕偶作

趙湘

上李昉相公二首

王操

溫泉

鄭文寶

讀江總傳

鄭文寶

梅花

林逋

小園梅花

林逋

晨興

魏野

山居

丁謂

民牛多疫死

楊億

漢武

楊億

莎衣

揚朴

假中示判官張寺丞王校勘

晏殊

初秋宿直

晏殊

安昌侯

晏殊

偶成

石延年

金卿張氏園亭

石延年

首陽

石延年

喜雨

韓琦

寄子京

宋庠

存齋歲宴寄昭文相公樞密太尉

宋庠

重展西湖

宋庠

書王元之畫像側

歐陽脩

上致政太保杜師公

歐陽脩

內直對月

歐陽脩

下直

歐陽脩

早朝感事

歐陽脩

青州書事

歐陽脩

望太湖

蘇舜欽

春睡

蘇舜欽

中秋松江新橋對月和柳令之作

蘇舜欽

喜永叔安道仲儀徐諫官

蔡襄

詠門

龍昌期

走筆寄夷陵歐陽永叔

謝伯初

許昌公宇書懷呈歐陽永叔韓子華王介甫

伯初

寄杭州孫資政

唐介

讀史

王安石

示長安君

王安石

詳定試卷

王安石

和金陵懷古

王安石

思王逢

王安石

次韻元厚之平戎慶捷

王安石

葛溪驛

王安石

郡舍偶書

楊偕

送唐介之貶所

李師中

送唐御史

仲訥

聞富并州入相

王令

紙鳶

王令

聞南陽呂諫議誨長逝

鄭獬

恭和 御製上元觀燈

王珪

恭和 御製夏日垂釣作

徐鉉

物茂時平日正長翠華停馭轅方塘文筆作拂圓荷動顏尾時翻  
素符香譽賞只應從暇豫聖恩寧肯間沉翔吞丹自是貪芳餌猶  
笑成湯一面張

內宴應制

曹翰

三十年前學六韜英名嘗得預時髦曾因國難披金甲不為家貧  
賣寶刀臂健尚嫌弓力軟眼明猶識陣雲高庭前昨夜秋風起羞  
見團花舊戰袍

豫章胡氏華林書堂

張齊賢

一百年來煙燹同衣冠江左慕家風兒孫歌舞詩書內鄉黨優游  
禮讓中孝悌筠編爭紀錄門閭天語賜褒崇莫將六闕方朱氏  
則家門孝友三葉  
旌表門標六闕業業蒸蒸奉始終

春日書懷

寇準

曾讀前書笑古今恥隨流俗信浮沉終期直道扶元化敢為虛名  
役片心默坐野禽啼晝景閉門官柳長春陰世間事了先須退不  
侍霜毛漸滿簪

春夕偶作

趙湘

一夕衡門獨自開雨陰深巷小塵埃醉醒風傍池邊起坐久月從  
花上來何處夜歌初欲斷四鄰春夢未知回因思此興無人共時  
復孤吟步綠苔

上李昉相公

王操

弱冠登龍入粉闈少年清貴古來稀袖中詔草朝天去頭上宮花  
侍宴歸卓筆玉堂寒漏迥捲簾池館水禽飛三台位近猶嫌遜閑  
聽秋霖憶翠微

其二

朝苑優游數十春文章敵手更無人對駭流冕如僚友下直門  
似隱淪倚檻白雲供醉望檣笳黃葉落吟身年來得意知難絕太  
平門生作侍臣

溫泉

鄭

文寶

潺湲如燎嶺雲陰  
玉石魚龍換古今  
只見開元無事久  
不知貞觀用力深  
籠無解語衣無雪  
堆有黃沙粟有金  
惆悵胡雛負恩澤  
始知夷甫少經心

讀江總傳

鄭

文寶

行人憐過景陽宮  
宮畔離離木黍風  
庭玉有花空怨白  
井道無步莫愁紅  
吟詩功業才雖大  
亡國君臣道最同  
爭恐暮年歸故里  
綸竿迴避釣魚翁

梅花

林

逋

吟懷長恨負芳時  
為見梅花輒入詩  
雪後園林纔半樹  
水邊籬落忽橫枝  
人憐紅豔多應俗  
天與清香似有私  
堪笑胡鷄亦風味  
解將別調用中吹

小園梅花

林

逋

衆芳搖落獨暄妍  
占盡東風向小園  
疎影橫斜水清淺  
暗香浮動月黃昏  
霜禽欲下先偷眼  
粉蝶如知合斷魂  
幸有微吟可相狎  
不須檀板共金樽

晨興

魏

野

夜長乞待得晨興  
耽睡猶猶喚不應  
燒藥爐中無宿火  
讀書窻下有殘燈  
臨堦短髮梳和月  
傍岸衰容洗帶冰  
料得巢禽翻怪訝  
尋常日午起慵能

山居

雷化已南山多凌零壟香芬芳襲人動或數里

丁

謂

峒口清香澈海濱  
四時芬馥四時春  
山多綠桂憐同氣  
谷有幽蘭讓後塵  
草解忘憂憂底事  
花能含笑笑何人  
海南有含笑花爭如彼羨欽  
天壤長薦芳香奉百神

民牛多疫死

水牛多自相廣商人驅至民間貴市之以給用

楊億

南海逸風知失性東吳喘月不逢醫一元祀典古所重九穀民天命在斯真相枉車寧致問族庖更刃亦焉施炎神癘鬼爭為虐度  
虎消蝗復是誰

漢武

楊億

蓬萊銀闕浪漫漫弱水回風欲到難光照竹宮勞夜拜露溥金掌  
費朝食力通青海求龍種死諱文成食馬肝待詔先生齒編具  
教索米向長安

莎衣

楊朴

軟綠揉藍着勝衣倚缸吟釣最相宜蒹葭影裏和煙卧齒齒香中  
帶雨披狂脫酒家春醉後亂堆漁舍晚晴時直饒紫綬金章貴未  
肯輕輕博換伊

假中示判官張寺丞王校勘

晏殊

元巳清明假未開小園幽徑獨徘徊春寒不定斑斑雨宿醉難禁  
灑灑杯無可奈何花落去似曾相識燕歸來遊梁賦客多風味莫  
惜青錢萬選才

初秋宿直

晏殊

絳河星斗夜闌干禁署沈沈閉九關上帝冊書羣玉府仙人宮闕  
巨鰲山涼蟾影度秋陰薄促漏聲來夜唱閑擁鼻吟多欲愁絕嚴  
鍾淒斷樹烏還

安昌侯

晏殊

運勺移家近七遷魯儒章句世相傳關中沃壤通涇渭堂上繁多  
遂管絃身服儒衣同蔡義日將卮酒對彭宣高墳丈五陽陵外千  
古朱雲氣凜然

偶成

力振前文覺道孤恥同流輩論榮枯動非仁義何如靜得見機關  
不似無孔孟也宜輕管晏皐夔未必失唐虞侯王重門吾何有且  
自低心混世儒

石

延年

金鄉張氏園亭

石

延年

亭館連城敵謝家四時園色闢明霞  
隱士瓜樂意相關禽對語生香不斷樹交花  
縱遊會約無留事醉待參橫月落斜

首陽

夷齊在孟津被伐紂而死于首陽其山在蒲蒲乃舜節也豈非二子之意何古之所不思哉

石

延年

遜國同來訪聖謨適觀爭國誓師徒恥生湯武干戈日寧死唐虞  
揖讓區大義充身安是餓清菟有所未應無始終天地亡前後名

骨雖雙此行孤

喜雨

韓

琦

何假嗔雷擊怒愕默然嘉澤浹民區經時亢隔羣心駭數月焦熬  
一陣蘇已發宋苗安在握再生莊紂不虞枯須臾慰滿三農望却  
歛神功寂似無

寄子京

宋

庠

八年三郡駕朱輪更忝鴻樞對國均老去師丹多忘事少來之武  
不如人車中顧馬空能數海上逢鷗想見親唯有弟兄歸隱志共  
將耕鑿報堯仁

府齋歲晏節物感人輒成拙詩上寄昭文相公樞密太

尉

宋

庠

處世何常盡值才虛名高位自驚猜千重浪裏隨流出百尺竿頭



試險回衰鬢不徒欺曉雪孤心兼欲伴寒灰嵩陽穎曲風煙接已  
仗歸雲作隱媒

重展西湖

宋庠

綠鴨東陂已可憐更因雲竇注西田鑿開魚鳥忘情地展盡江湖  
極目天向夕舊灘都浸月過寒新樹便留煙使君直欲稱漁叟願  
賜閑州不計年

書王元之畫像側

歐陽脩

偶然來繼前賢迹信矣皆如昔日言諸縣豐登少公事一家飽暖  
荷君恩想公風采常如在顧我文章不足論名姓已光青史上壁  
間容貌任塵昏

公既蘇州謝上表云諸縣豐登苦無公事一家飽暖共荷君恩

上致政太保杜相公

歐陽脩

食古香名世絕倫坐令風俗可還淳貌先年老因憂國事與心違

始乞身四海儀刑瞻舊德一罇談笑作閑人鈴齋幸得親師席東  
向時容問治民

內直對月

歐陽脩

禁署沉沉玉漏傳月華雲表溢金盤纖埃不隔光初滿萬物無聲  
夜向闌蓮燭燒殘秋夢斷蕙爐薰歇覺衣單米精宮鎖黃金闕故  
比人間分外寒

下直

歐陽脩

宮柳街槐綠未齊春雲不解宿雲低輕寒漠漠侵馳謁小雨班班  
作燕泥報國無功嗟已老歸田有約一何稽終當自駕柴車去獨  
結茅廬潁水西

早朝感事

歐陽脩

踈星半落曉光微殘月蒼龍闕角西玉勒爭門隨仗入牙牌當殿

報班齊羽儀雖接鴛蕪鷺野性終存鹿與麝笑殺汝陰常處士十  
年騎馬聽朝鷄

青州書事

歐陽脩

年豐千里無夜警吏退一室焚清香青春固非老者事白日自為  
閑人長厚祿豈惟慙飽食俸餘仍是買輕裝君恩天地不違物歸  
去行歌潁水傍

望太湖

蘇舜欽

杳杳波濤閱古今四無邊際莫知深潤通曉月為清露氣入霜天  
作真陰笠澤鱸肥人鱸玉洞庭柑熟客分金風煙觸目相招引聊  
為停橈一楚吟

春睡

蘇舜欽

別院簾昏掩竹扉朝醒未解接春暉身如蟬蛻一榻上夢似楊花

千里飛塔爾暫能離世網陶然直欲見天機此中有德堪為頌絕  
勝人間較是非

中秋松江新橋對月和柳令之什

蘇舜欽

月晃長江上下同畫橋橫截冷光中雲頭艷艷開金餅水面沉沉  
卧彩虹佛氏解為銀色界仙家多住玉華宮地雄景勝言不盡但  
欲追隨乘曉風

喜求叔安道仲儀除諫官

蔡襄

御筆新除三諫官喧然朝野盡相懼昔時流落并心在自古忠賢  
得路難好竭謀猷居帝右直須風采動朝端世間萬事皆塵土留  
取功名久遠者

詠門

龍昌期

樞動本為榮辱主長因外戶細推尋乾坤出入無窮象夷狄關防

有限心揜到善人非遠大開當古道自高深九成載舉簫韶奏穆  
穆無凶合在今

走筆寄夷陵歐陽求叔

謝伯初

舟行無險似瞿塘滿峽猿聲斷旅腸萬里更堪人謫宦經年應合  
鬢成霜長官衫色江波綠學士文華蜀錦張去似長沙非黜辱比  
於連郡亦遐荒韓退之以言事可能作賦嘲巫渚好為投文吊耒  
陽杜子美下來下國難留金馬客新詩傳與竹枝娘才如夢得多  
為累情甚安仁久悼亡絕境化成儒雅俗遠民爭識校讎郎典詞  
懸待修青史諫草當來露皂囊不用臨流羨漁者便將纓足濯滄  
浪

許昌公字書懷呈歐陽求叔韓子華王介甫伯初

十年趨競浪求榮因得閑曹減宦情亂種黃花看野景旋移高竹

聽秋聲驅馳賤事猶干祿約勒清狂為近名早晚持竿釣鱸鱖雙  
溪煙雨一舟橫

寄杭州孫資政

唐介

何人富貴不圖安大抵為臣節欲完手執樞機謀國易心存忠義  
入時難臨風未覺龍媒老衝斗誰知劔氣寒天子聖神思舊德肯  
教旌馭又盤桓

讀史

王安石

自古功名亦苦辛行藏終欲付何人當時黜闈猶承誤末俗紛紜  
更亂真糟粕所傳非粹美丹青難寫是精神區區豈盡高賢意獨  
守千秋紙上塵

示長安君

王安石

少年離別意非輕老去相逢亦愴情草草杯盤供笑語昏昏燈火

話平生自憐湖海三年隔又作塵沙萬里行欲問後期何日是寄書應見鴈南征

和金陵懷古

王安石

懷鄉訪古事悠悠獨上江城滿目秋一鳥帶煙來別渚數帆和雨下歸舟蕭蕭暮吹驚紅葉慘慘寒雲壓舊樓故國淒涼誰與問人心無復更風流

詳定試卷

王安石

童子常誇作賦工暮年羞悔有揚雄當時賜帛倡優等今日論才將相中細甚客卿因筆墨卑於爾雅注魚蟲漢家故事真當改新詠知君勝弱翁

思王逢原

王安石

蓬蒿今日想紛披冢上秋風又一吹妙質不為平世得微言唯有

故人知廬山南隋當書案湓水東來入酒卮陳迹可憐隨手盡欲歡無復似當時

次韻元亨之平戎慶捷

王安石

朝廷今日四夷功先以招懷後殪戎胡地馬牛歸籠底漢人煙火起湟中投戈更講諸儒藝免胄爭趨上將風文武佐時慚吉甫宣王征伐自虜公

葛溪驛

王安石

缺月昏昏漏未央一燈明滅照秋床病身最覺風露早歸夢不知山水長坐感歲時歌慷慨起看天地色淒涼鳴蟬更亂行人耳正抱疎桐葉半黃

郡舍偶書

楊偕

偃息鈴齋度歲華著書人盡笑聳牙斯文自信驚天地吾道誰知

繫國家獨愛杉篁寒不變更憐江海闊無涯因思朝市爭名地可似優游刺史衙

送唐介之貶所

李師中

互誠自許時不與孤立敢言人所難去路一身輕似葉高名千古重於山並游英俊顏何厚已死姦雄骨尚寒天意若為宗社計肯教夫子不生還

送唐御史

仲訥

力犯雷霆衆共危遠投魑魅獨為宜忠州學業真無負高廟神靈固有知自倚聖明容直道未甘憔悴死荒陬滿朝卿相多公議莫把文章作楚詞

聞富弁州入相

王令

元首饗歌樂股肱四方維遠喜聲盈忠賢不死天心在輔弼終歸

聖慮精中國自今應更重本朝前日可嗟輕要須待見成堯舜未敢輕浮作頌聲

紙鷲

王令

誰作輕鷲壯遠觀似嫌飛鳥未多端纔乘一線馮風去便有愚兒仰面看未必青霄因可到偶能終日遂為安扶搖不起滄溟遠笑殺鵬搏似爾難

聞南陽呂諫議誨長逝

鄭獬

子文三仕去何頻一卧南陽竟沒身明主自應容直道皇天何事殺忠臣柱天力屈空留草貫日心存不化塵黃壤不知人世事為君慟哭楚江濱

恭和御製上元觀燈

王珪

雪消華月滿仙臺萬燭當樓寶扇開雙鳳雲中扶輦下六鰲海上

身文鑑卷二十四  
駕山來鎬宮春酒露周燕汾水秋風陋漢材一曲昇平人共樂唐  
聖代昇平樂曲君王又進紫霞杯

大宋文鑑卷之二十五

詩類

七言律詩

閑居吟

仁者

清風短吟

閑行吟

洛下園池

答人語名教

何事吟

觀三皇

觀五帝

邵 邵 邵 邵 邵 邵 邵 邵 邵 邵  
雍 雍 雍 雍 雍 雍 雍 雍 雍 雍

觀三玉

觀五伯

觀七國

觀羸秦

觀兩漢

觀三國

觀西晉

觀十六國

觀南北朝

觀隋

觀有唐

觀五代

邵

邵

邵

邵

邵

邵

邵

邵

邵

邵

邵

雍

雍

雍

雍

雍

雍

雍

雍

雍

雍

雍

觀盛化

問鼎

安樂窩

自詠

首尾吟

蒼蒼吟寄李晉言

林下

安樂四吟

自和打乖吟

題華下無相院西溪

寄李朝請

郊行即事

邵

邵

邵

邵

邵

邵

邵

邵

張

范

程

雍

雍

雍

雍

雍

雍

雍

雍

先

純仁

顯

秋日偶成

出潁口初見淮山

新城道中

和王旂

次韻李膺孺留別

直玉堂詔賜官燭法酒

和劉景文見贈

王文玉稅詞

雪後書北臺壁二首

往政亭

姪安節遠來夜坐

祭常山回小獵

程顥

蘇軾

蘇軾

蘇軾

蘇軾

蘇軾

蘇軾

蘇軾

蘇軾

蘇軾

蘇軾

蘇軾

次韻穆父尚書侍祠郊丘

樂全先生生日以鐵拄杖為壽

新釀桂酒

連雨江漲二首

枕柳杖寄張文潛

夜坐達曉寄子由

六月二十日夜渡海

潤州甘露寺

感秋翁

寄黃幾復

寄上叔父夷仲

詠雪

蘇軾

蘇軾

蘇軾

蘇軾

蘇軾

蘇軾

蘇軾

沈括

蘇轍

黃庭堅

黃庭堅

黃庭堅



新喻道中寄元明

黃庭堅

壺中九華

黃庭堅

郊丘從駕

彭汝礪

喜聞中丞包公稱職有書

楊蟠

陪潤州裴如晦學士遊金山回作

楊蟠

示諸君

徐積

次韻寇秀才寄下邳家兄

陳師道

次韻春懷

陳師道

東山謁外大父墓

陳師道

寄泰州曾侍郎

陳師道

夏日二首

張耒

元日

任伯雨

聞趙正夫遷明下

鄒浩

旅中諭懷

俞紫芝

寄蘇內翰

劉季孫

望舊廬有感

葉濤

題半隱堂

劉跂

晚登秋屏閣示杜氏兄弟

洪朋

荅王立之惠書

潘大臨

望西山懷駒父

李彭

簡田升之時升之赴金陵

吳則禮

病後登快哉亭

賀鑄

閑居吟

邵雍

閑居須是洛中居天下閑居皆莫如文物四方賢俊地山川千古

宋文鑑卷二十五  
帝王都絕奇花畔持芳醕最軟草間移小車只有堯夫負親舊交  
親元不負堯天

仁者

邵雍

仁者難逢思有常平居切勿恃何妨爭先路徑機關惡近後語言  
滋味長爽口物多須作病快心事過必為傷與其病後能求藥不  
若病前能自防

清風短吟

邵雍

清風興味未全衰豈謂天心便棄遺長具齋莊緣讀易每愁踈散  
為吟詩人間好景難留眼世上閑愁不到眉生長太平無事日又  
還身老太平時

閑行吟

邵雍

長憶當年掃弊廬未嘗三徑草荒蕪欲為天下屠龍手肯讀人間

非聖書否泰悟來知進退乾坤見了識親疎自從會得環中意胸  
氣曾中一點無

洛下園池

邵雍

洛下園池不閉門洞天休用別尋春縱游只却輸閑客遍入何嘗  
問主人更小亭欄花自好儘荒臺榭景纔真虛名誤了無涯事未  
必虛名總到身

荅人語名教

邵雍

開闢而來世教敷其間雄者號真儒修身有道名先覺何代無人  
達奧區煥若丹青經史義明如日月聖人途鯁生涵泳雖云久天  
下英才敢厚誣

何事吟

邵雍

何事教人用意深出塵心子索沉吟施為欲似千鈞弩磨厲當如

百鍊金鈞水誤持生殺柄着基閑動戰爭心一盃美酒聊康濟林  
下時時或自斟

觀三皇

邵雍

許大乾坤自我宣乾坤之外更何言初分大道非常道纔有先天  
未後天作法極微難看蹟收功最久不知年若教世上論勲業料  
得更無人在前

觀五帝

邵雍

進退肯將天下讓着何言語狀雍容衣裳垂處威儀盛玉帛修時  
意思恭物物盡能循至理人人自願立殊功當時何故得如此只  
被聲明類日中

觀三王

邵雍

一片中原萬里餘殆非舜德所宜居夏商正朔猶能布湯武干戈

未便驅澤火有各方受革水天無應不成需請觀仁義為心者肯  
作人間淺丈夫

觀五伯

邵雍

刻意尊名名愈虧人人奔命不勝疲生靈劔戟林中活公道貨財  
心裏歸雖則餼羊能愛禮奈何鳴鳳未來儀東周五百餘年內歎  
息惟聞一仲尼

觀七國

邵雍

當其末路尚縱橫仁義之言固不聽肯謂破齊存即墨能勝坑趙  
盡長平清晨見鬼未為恠白日殺人奚足驚加以蘇張掉三寸把  
喉其勢不俱生

觀羸秦

邵雍

轟轟七國正爭籌利害相磨未便休比至一雄心底定其如四海

血橫流三千賓客方成夢百二山河又變秋謾說罷侯能置守趙  
高元不是封侯

觀兩漢

邵雍

秦破山河舊戰場豈期民復見耕桑九千來里開封城四百餘年  
魏帝王剥喪既而遭莽卓經營殊不念高光當時文物如斯盛城  
復何由更有隍

觀三國

邵雍

柏柏鼎峙震雷音絕唱高蹤沒處尋簫鼓一方情未暢弓刀萬里  
力難任論兵狼石寧無意飲馬黃河徒有心雖曰天時亦人事誰  
知慮外失良金

觀西晉

邵雍

承平未必便無憂安若忘危非善謀題品人才憑雅誚雌黃人事

用風流有刀難剖公問腹無木可集元海頭禍在夕陽亭一句上  
東門嘯浪悠悠

觀十六國

邵雍

溥天之下號寰區大禹曾經治水餘衣到弊時多蟣虱瓜當爛後  
足虫蛆龍章本不資任寇象魏何嘗薦亂胡丘父有言堪味處當  
時欠一管夷吾

觀南北朝

邵雍

方其天下分南北聘使何當絕往還偏霸尚存前典憲小康猶帶  
舊腥羶洛陽雅望稱崔浩江表奇才服謝安二百年能並繼謾  
將夷虜互為言

觀隋

邵雍

始謀當日已非城又更相承或自戕螻蟻人民貪土地泥沙金帛

悅姬姜征途意思繁荒服泛沐情懷厭未央三十六年都掃地不  
然天下未歸唐

觀有唐

邵雍

天生神武莫中央不爾羣兇未易攘貞觀若無風凜凜開元安得  
氣揚揚堯高始見山河壯入夏方知日月長三百年間能混一事  
雖成往道彌光

觀五代

邵雍

自從唐季墜皇綱天下生靈被擾攘社稷安危懸卒伍朝廷輕重  
繫藩方深冬寒木固不脫未且小星猶有光五十三年更五姓始  
知除掃待真王

觀盛化

邵雍

紛紛五代亂離間一且雲開復見天草木百年新雨露車書萬里

舊山川尋常巷陌猶簪綬取次園林亦管絃人老太平春未老鷓  
花無害日高眠

吾曹養拙賴明時為幸居多寧不知天下英才中道跡人間好景  
處開眉生來只慣見豐稔老去未嘗經亂離五事歷將前代舉帝  
堯而下更無之一事革命之日市不易肆二事克服天下在即位  
後三事未嘗殺一無累四事百年方四葉五事百  
年無腹心  
之患也

問鼎

邵雍

請將調鼎問於君調鼎工夫敢與聞只有鹽梅難盡善豈無薑桂  
助為辛和羹必欲須求美衆口如何更得均切勿輕言天下事伊  
周殊不是庸人

安樂窩

邵雍

安樂窩中三月期老來纔會惜芳菲自知一賞有分付誰讓萬金

無子遺美酒飲教微醉後好花看到半開時這般意思難名狀只恐人間都未知

自詠

邵雍

老去無成齒髮衰年將七十待何為居常無病不服藥間或有懷時作詩引水更憐魚並至折花仍喜蝶相隨平生積學都無效只得胸中惡坦夷

首尾吟

邵雍

堯夫非是愛吟詩為見聖賢興有時日月星辰堯則了江河淮濟禹平之皇玉帝霸經褒貶雪月風花未品題豈謂古人無闕典堯夫非是愛吟詩

堯夫非是愛吟詩詩是堯夫處困時事體極時觀道妙人情盡處看天機孝慈親和未必見松柏歲寒然後知匪石未聞心可轉堯

夫非是愛吟詩

堯夫非是愛吟詩詩是堯夫自試時事體待諳然後信人情非又豈能知同雷雨露蓬蒿質獨出雪霜松柏姿見慣不如身歷過堯夫非是愛吟詩

堯夫非是愛吟詩詩是閑觀蔬圃時暖地春初纔翳鬱宿根秋末却披離韭葱蒜雜青遮隴穎芋蔓囊綠滿畦時到皆能弄精彩堯夫非是愛吟詩

堯夫非是愛吟詩詩是堯夫不強為事到強為須涉跡人能知止是先機面前自有好田地天下豈無平路歧省力事多人不做堯夫非是愛吟詩

堯夫非是愛吟詩詩是堯夫重惜時西晉浮誇時可歎南梁崇尚事堪悲仲尼豈欲輕辭魯孟子何嘗便去齊儀鳳不來人老去堯

夫非是愛吟詩

堯夫非是愛吟詩詩是精神未耗時水竹清閑都占了鸚鵡花富貴

又兼之梧桐月向懷中照楊柳風來面上吹被有許多閑捧擁堯

夫非是愛吟詩

蒼蒼吟寄李審言

邵雍

一般顏色正蒼蒼今古人曾望斷腸日往月來無少異陽舒陰慘

不相妨迅雷震後山川裂甘露零時草木香幽暗巖崖生鬼魅清

平郊野見鸞皇十花爛為三春雨萬木凋因一夜霜此意分明難

理會直須賢者入消詳

社下

邵雍

老年軀體索温存安樂窩中別有春萬事去心閑偃仰四支由我

正舒伸庭花盛處涼鋪簾簷雪飛時軟布衲誰道山翁拙於用也

能康濟自家身

安樂四吟

邵雍

詩

安樂窩中詩一編自歌自詠自怡然陶鎔水石閑勲業銓擇風花

靜事權意去水乘千里馬興來初上九重天快時更改三兩字醉

後吟哦六七篇直恐心通雲外月又疑身是洞中仙銀河洶湧翻

晴浪玉樹查牙生紫煙萬物有情皆可狀百骸無病不能蠲命題

濫被神相助得句繆為人所傳肯讓貴家常奏樂寧慙富室賸收

錢若條此過知何限因甚臺官獨未言

書

安樂窩中一部書號云皇極意何如春秋禮樂能遺則父子君臣

可廢乎浩浩義軒開闢後魏魏堯舜協和初炎炎湯武干戈外洵

可廢乎浩浩義軒開闢後魏魏堯舜協和初炎炎湯武干戈外洵

陶桓文弓劍餘日月星辰高照耀皇王帝霸大鋪舒幾千百主出  
規制數億萬年成楷摸治久便憂強跋扈患深仍念惡驅除才堪  
命世有時有智可濟時無世無既往盡歸閑指點未來須俟別支  
梧不知造化誰為主生得幾多奇丈夫

香

安樂窩中一炷香凌晨焚意豈尋常禍如許免人須諂福若待求  
天可量且具緇黃微廟貌又殊兒女裒衣裳中孚起信寧煩禱無  
妄生災夫易讓虛室清明都是白靈臺瑩靜別生光觀風禦寇心  
方醉對境頽淵坐正忘赤水有珠涵造化泥丸無物隔青蒼生為  
男子仍身健時遇昌辰更歲穰日月照臨光自大君臣庇蔭効何  
長非圖聞道至於此金玉誰家不滿堂

酒

安樂窩中酒一樽非惟養氣又願真頻頻到口微成醉拍拍滿懷  
都是春何異君臣初際會又同天地乍網緼醺酣情味難名狀醜  
釀功夫莫指陳斟有淺深存燮理飲無多少寄經綸鳳凰樓下道  
遙客郊鄆城中自在人高閣望時花似錦小車行處草如茵卷舒  
萬古興亡手出入千重雲水身兩後靜觀山意思風前閑看月精  
神這般事體權衡別振古英豪恐未聞

自和打珣吟

邵雍

安樂窩中好打乖自知元沒出人才老年多病不服藥少日壯心  
都未灰庭草剗除終未盡檻花檯舉尚難開輕風吹動半醺酒此  
樂真從天外來

題華夏無相院西溪

張先

積水涵虛上下清幾家門靜岸痕平浮萍破處見山影小艇歸時



聞草聲入郭僧尋塵裏去過橋人似鑑中行已憑暫雨添秋色莫  
放脩蘆礙日生

寄李朝請

范純仁

仕逾三黜信多艱名節常憂不自完幸賴聖明寬罪戾敢辭閑僻  
儘盤桓孟生墜孰何能顧貢氏塵冠豈復彈俸入雖貧家世事金  
魚從此已稱丹

郊行即事

程顥

芳原綠野恣行時春入遙山碧四圍興逐亂紅穿柳巷困臨流水  
坐苔磯莫辭盞酒十分醉只恐風花一片飛况是清明好天氣不  
妨游衍莫忘歸

秋日偶成

程顥

閑來無事不從容睡覺東窗日已紅萬物靜觀皆自得四時佳興

與人同道通天地有形外思入雲煙變態中富貴不淫貧賤樂男  
兒到此是豪雄

出潁口初見淮山

蘇軾

我行日夜向江海楓葉蘆花秋興長平淮忽迷天遠近青山久與  
舡低昂壽州已見白石塔短棹未轉黃茅岡波平風軟望不到故  
人久立煙蒼茫

新城道中

蘇軾

東風知我欲山行吹斷簷間積雨聲嶺上晴雲披絮帽樹頭初日  
掛銅鉦野桃含笑竹籬短溪柳自搖沙水清西崦人家應最樂煮  
芹燒筍餉春耕

和王旂

蘇軾

異時長恠謫仙人舌有風雷筆有神聞道騎鯨游汗漫憶嘗捫蝨

話悲辛氣吞餘子無全目詩到諸郎尚絕倫白髮故交空掩卷淡  
河東注問蒼旻

次韻李脩孺留別

蘇軾

十年流落敢言歸魚鳥江湖只自知豈意青天掃雲霧盡呼黃髮  
寄安危風流吾子真前輩人物他年記一時我欲折繻留此老緇  
衣誰作好賢詩

卧病逾月請郡不許復直玉堂十一月一日鑠院是日  
苦寒詔賜官燭法酒書呈同院

蘇軾

微霰踈踈點玉堂詞頭夜下攬衣忙分光御燭星辰爛拜賜官壺  
雨露香醉眼有花書字大老人無睡漏聲長何時却逐桑榆暖社  
酒寒燈樂未央

和劉景文見贈

蘇軾

元龍本志陋曹吳意氣崢嶸老不除失路今為贈等伍作詩猶似  
建安初西來為我風顰面獨卧無人雪縞廬留子非為十日飲要  
令安世誦亡書

王文玉挽詞

蘇軾

才名誰似廣文寒月斧雲斤琢肺肝玄晏一生都卧病子雲三世  
不遷官幽蘭空覺香風在宿草何曾泮葉乾猶喜諸郎有曹志文  
章還復富波瀾

雪後書北臺壁二首

蘇軾

黃昏猶作雨纖纖夜靜無風勢轉嚴但覺衾裯如潑水不知庭院  
已堆鹽五更曉色來書幌半月寒聲落畫簷試掃北臺看馬耳未  
隨埋沒有雙尖

城頭初日始翻鴉陌上晴泥已沒車凍合玉樓寒起粟光搖銀海

眩生花遺蝗入地應千尺宿麥連雲有幾家老病自嗟詩力退空吟冰柱憶劉叉

院 往岐亭郡人郡人潘古郭三人送余於女王城東禪莊

十日春寒不出門不知江柳已搖村稍聞決決流冰谷盡放青青沒燒痕數畝荒國留我住半罇濁酒待君溫去年今日關山路細雨梅花正斷魂

姪安節遠來夜坐

蘇軾

南來不覺歲咿嘰坐撥寒灰聽雨聲遮眼文書元不讀伴人燈火亦多情嗟予潦倒無歸日今汝蹉跎已半生免使韓公悲世事白頭還對短燈檠

祭常山回小獵

蘇軾

青蓋前頭點皂旗黃茅岡下出長圍弄風驕馬跑空立趁兔蒼鷹掠地飛回望白雲生翠巘歸來紅葉滿征衣聖朝若用西涼簿白羽猶能効一揮

次韻穆父尚書侍祠郊丘瞻望天光退而相慶引蒲醉

吟

蘇軾

千章杞梓蔭雲天樗散誰收老鄭憂喜氣到君浮白裏豐年及我掛冠前令嚴鐘鼓三更月野宿貔貅萬竈煙太息何人知帝力歸來金帛看駢肩

樂全先生生日以鐵拄杖為壽

蘇軾

二年相伴影隨身踏遍江湖草木春摘石舊痕猶作眼閉門高節欲生鱗畏途自衛真無敵捷徑爭先却累人遠寄知公不嫌重筆端猶自斡千鈞

新釀桂酒

擣香篩棘入餅盆  
益々春溪帶雨渾  
收拾小山藏社甕  
招呼明月到芳尊  
酒材已遣門生致  
華把仍仍地主恩  
爛煮葵羹斟桂醕  
風流可惜在蠻村

蘇軾

連雨江漲二首

蘇軾

越井岡頭雲出山  
牂柯江上水如天  
淋漓避漏幽人屋  
浦浦移家艇子舡  
龍卷魚鰓奔雨落  
人隨鷄犬上墻眠  
祇應樓下平階水  
長記先生過嶺年

急雨蕭々作晚涼  
卧聞榕葉響長廊  
微明燈火耿殘夢  
半濕簾帷絕舊香  
高浪隱林吹甕瓦  
間風驚樹擺琳琅  
先生不出晴無用  
留向空階滴夜長

枕柳杖寄張文潛時初聞黃魯直遷黔南范淳父九疑

也

蘇軾

睡起風清酒在亡  
身隨殘夢兩茫茫  
江邊曳杖視柳瘦  
林下尋芳草撥香  
獨步儻逢响嘯令  
遠來莫恨曲江張  
遙知魯國真男子  
獨憶平生盛孝章

夜坐達曉寄子由

蘇軾

燈燼不挑垂暗檠  
爐香重撥上餘薰  
清風欲發鴉翻樹  
缺月初升犬吠雲  
閉眼此心新活計  
隨身孤影舊知聞  
雷州別乘應危坐  
跨海幽光與子分

六月二十日夜渡海

蘇軾

參橫斗轉欲三更  
苦雨終風也解晴  
雲散月明誰點綴  
天容海色本澄清  
空餘魯叟乘桴意  
粗識軒轅奏樂聲  
九死南荒吾不恨  
茲游奇絕冠平生

潤州甘露寺

丞相高齋半草萊舊時風月滿亭臺地從日月生時見眼到江山盡處回三國是非春夢斷六朝城闕野花開心隨潮水漫漫去流徧煙村半日來

感秋扇

蘇轍

團扇經秋似敗荷丹青髮髯舊松蘿一時用捨非吾事舉世炎涼奈爾何漢代誰令收汲黯趙人猶復用廉頗心知懷袖非安處重見秋風愧恨多

寄黃幾復

黃庭堅

我居北海君南海寄鴈傳書謝不能桃李春風一杯酒江湖夜雨十年燈持家但有四立壁治病不斬三折肱想得讀書頭已白曠溪猿哭瘴煙藤

寄上叔父夷仲

黃庭堅

艱難聞道有歸音部曲霜行壁月沉王春正月調玉燭使星萬里朝天心頗令山海藏國用乃見縣官恤民深經心隴蜀封疆守必有人村備訪尋

詠雪

黃庭堅

春寒晴碧來飛雪忽憶江清水見沙夜聽疎疎還密密曉看整整復斜斜風回共作娑娑舞天乃能開頃刻花政使盡情寒至骨不妨桃李用年華

新喻道中寄元明用鵬字韻

黃庭堅

中年畏病不舉酒孤負東來數百觴渙客煎茶山店遠看人秧稻午風涼但知家裏俱無恙不用書來細作行一百八盤携手上至今猶夢遶羊腸

壺中九華

黃庭堅

湖口人李正臣畜異石九峯東坡先生名曰湖中九華并為作詩後八年自海外歸過湖口石已為好事者所取乃和前篇以為笑實建中靖國元年四月十六日明年當崇寧之元五月二十日庭堅繫舟湖口李正臣持此詩來石既不可復見東坡亦下世矣感歎不足因次前韻

有人夜半持山去頗覺浮嵐暝翠空試問安排華屋處何如零落亂雲中能迴趙璧人安在已入南柯夢不通賴有霜鍾難席卷袖桂來聽響玲瓏

郊丘從駕

彭汝礪

令歲郊丘上始躬宿齋初出未央宮百年禮樂星辰爛萬國衣冠錦繡中精意與天相應接人心如水自流通聖時好作休成記

今日誰為太史公

喜聞中丞包公稱職有書

楊蟠

薛宣執法動朝廷丙魏如今亦有聲公道未亡猶可立世人不慣却須驚幅員潤澤嘉謀進臺閣風流故事明時論已兼言責重莫教天下笑虛名

陪潤州裴如晦學士遊金山迴作

楊蟠

世上蓬萊第幾洲長雲漠漠鳥飛愁海山亂點當軒出江水中分遶檻流天遠樓臺橫北固夜深燈火見揚州迴舡却望金陵月獨倚牙旗坐浪頭

示諸君

徐積

古俗今時不用分只將虛實判澆淳養心有要先除偽入德無難只用真此道若從為得路他岐如往是迷津我尊好尚雖迂闊最

愛山夫共野人

次韻寇秀才寄下邳家兄

陳師道

少共千憂老一官中間毀譽兩泮然去留有命真如此俯仰從人  
却未然故着江山供極目正將強健入新年驚逢小杜風流勝信  
有衣冠不乏賢

次韻春懷

陳師道

老形已具臂膝痛事無多櫻笋來敗絮不温生蟣風大杯覆酒  
著塵埃衰年此日乃為客舊國當時只廢臺河嶺尚堪供極目少  
年為句未須哀

東山謁外大夫墓

陳師道

土山宛轉屈蒼龍下有槃槃見羽萬木刺天元自直叢篁侵道  
更須東百年富貴見一代功名託至公少日拊頤期類我莫

年盡淡向西風

寄泰州曾侍郎

陳師道

八年門第故違離千里河山費夢思淮海風濤真有道麒麟圖畫  
豈無時今朝有客傳河尹是處逢人說項斯三徑未成心已具世  
間惟有白鷗知

夏日二首

張耒

長夏村墟風日清簷牙燕雀已生成蝶衣曬粉花枝午蛛網添絲  
屋角晴落落踈簾邀月影嘈嘈虛枕納溪聲又判兩鬢如霜雪直  
欲樵漁過此生

棗徑瓜畦經雨涼白衫烏帽野人裝幽花避日房房斂翠樹含風  
葉葉涼養拙又判藏姓字致身安事巧文章漢庭卿相皆豪傑不  
遇何妨白髮郎

元日

任伯雨

憶惜東班賀紫宸和風佳氣淨無塵  
龍墀初下觚稜日雉翳齊開  
玉座春接武九霄曾近侍投荒三載作流人  
窮通忤合雖天理俯仰尋思不為身

聞趙正夫遷門下

鄒浩

促膝論心十二年有時忠憤淚潛然  
不聞一事拳拳救但見三臺每每遷天地  
豈容將計免國家能報乃身全  
它時會有相逢日解說何由復自賢

旅中諭懷

俞紫芝

白浪紅塵二十春就中奔走費光陰  
有時俗事不稱意無限好山都上心  
一面琴為方外友數篇詩當橐中金  
會須將爾同歸去家在碧溪煙樹深

寄蘇內翰

劉季孫

倦壓鰲頭請左符笑尋穎尾為西湖  
二三賢守去非遠六一清風今不孤  
四海共知霜鬢滿重陽曾挿菊花無  
聚星堂上誰先到欲傍金罇倒玉壺

望舊廬有感

葉濤

重來舊屋誰為主江令蕭條歎獨存  
已愧問人纔識路更悲無柳可知門  
舟車到處成家宅歲月惟驚長子孫  
孤客濫巾非得已故交零落與誰論

題半隱堂

劉政

一堂圖籍自陶冶三迳蕭蘭俱歲華  
定非平恩許侯宅會是仲長公理家  
端居雅不煩屏當佳設頗掌成咄嗟  
唯我身閑數來往微絃一泛即生涯



晚登秋屏閣示杜氏兄弟

洪朋

病人湯熨暫時停，謾向秋屏臺上行。白日忽隨飛鳥去，青山斷處落霞明。林間嘒嘒寒蟬急，江上悠悠煙艇橫。富貴功名付公等，嗟予老矣負平生。

答王立之惠書

潘大臨

歸自江南即定居，謾勞親友問何如。剛腸肯為藜羹轉，病骨聊憑竹杖扶。南圃上腴千樹橘，東湖春水百金魚。明年生計應堪說，待倩君侯買異書。

望西山懷駒父

李彭

去歲湖湘賦凜秋，聞君江國大刀頭。百年會面知幾遇，十事欲言還九休。照眼遙岑落懷袖，過眉拄杖立汀洲。莫言青山淡，吾慮誰料却能生許愁。

簡田升之時升之赴金陵

吳則禮

建業風流端可憐，石城江色曉鮮鮮。鳥窺漢節梅花底，雨濕柁樓春水邊。霜髮離書有東觀，錦囊覓句屬南天。枯腸不飽太官肉，我種芋魁今十年。

病後登快哉亭

賀鑄

經雨清蟬得意鳴，紅塵開處見歸程。病來把酒不知歇，夢後倚樓無限情。鷗帶殘枝投古剎，草將野色入荒城。故園又負黃華約，但覺秋風鬢上生。

大宋文鑑卷之二十六

詩類

五言絕句

松江夜泊

孤鴈

江上漁者

淮上遇風

出守桐廬道中十首

無絃琴

遠山

夏雨小亭有懷

寒草

鮑當

鮑當

范仲淹

范仲淹

范仲淹

王琪

歐陽脩

梅堯臣

梅堯臣

芳草

王

安石

送望之赴臨江

王

安石

溝港

王

安石

梅花

王

安石

歲寒

邵

雍

廬山三首

蘇

軾

蝸牛

蘇

軾

讀史

蘇

轍

遺老齋三首

蘇

轍

陪謝師厚遊范文正公祠十絕

黃

庭堅

謫居黔南五首

黃

庭堅

蠶婦

張

俞

秦王纜舡石

楊

蟠

紈扇

張

舜民

鴈

陳

師道

春日

崔

鷗

題績溪雪峯樓

崔

鷗

歲暮書堂

汪

革

長安在何許二首

賀

鑄

六言

題舒州山谷寺石牛洞

王

安石

題西太一宮

王

安石

四賢吟

邵

雍

獨坐

文

同

相如

文同

鷺鷥

文同

題鄭防畫夾三首

黃庭堅

蟻蝶圖

黃庭堅

有惠江南帳中香者戲作

黃庭堅

子瞻繼和復答

黃庭堅

和高子勉

黃庭堅

登山望海

張耒

寧浦書事

秦觀

松江夜泊

鮑當

舟聞人已息林際月微明一片清江水中涵萬古情

孤雁

鮑當

粟多稻糧少萬里孤難進不惜充君庖為帶遠庭信

江上漁者

范仲淹

江上往來人但愛鱸魚美君看一葉舟出沒風波裏

淮上遇風

范仲淹

一棹危於葉傍觀亦損神他時在平地無忽險中人

出守桐廬道中十首

范仲淹

隴上帶經人金門齒諫臣雷霆日有犯始可報吾親

君恩泰山重爾命鴻毛輕一意懼千古敢懷妻子榮

妻子屢牽衣出門投禍機寧知白日照猶得虎符歸

分符江外去人笑似騷人不道鱸魚美還堪養病身

有病甘長發無機苦直言江山藏拙好何敢望天闈

天闈變化地所好必貞龍軻意正迺闊悠然輕萬鍾

萬鍾誰不慕意氣滿堂金必若枉此道傷哉非素心  
素心愛雲水此日東南行笑解塵纓處滄浪無限清  
滄浪清可愛白鳥鑑中飛不信有中洛風塵化客衣  
風塵日以遠郡枕子陵溪始見神龜樂優優尾在泥

無絃琴

王琪

寂寞之淳音其為樂至深應嫌鼓腹者獨是撫絃琴

遠山

歐陽脩

山色無遠近看山終日行峯巒隨處改行客不知名

夏夜小亭有懷

梅堯臣

西南雨氣濃林上昏月色寒影不隨入寥寥空露白

寒草

梅堯臣

寒草纔斂枯陳根已含綠始知天地仁誰道風霜酷

芳草

王安石

芳草知誰種綠階已數叢無心與時競何苦綠葱葱

送望之赴臨江

王安石

黃雀有頭顱長行萬里餘想因居出守暫得免包苴

溝港

王安石

溝港重重柳山坡處處梅小與穿麥過狹徑礙桑回

梅花

王安石

墻角數枝梅凌寒獨自開遙知不是雪為有暗香來

歲寒

邵雍

松柏入冬殘方能見歲寒聲須風裏聽色更雪中看

廬山三首

蘇軾

青山若無素偃蹇不相親要識廬山面他年是故人

自昔懷清賞神游杳靄間如今不是夢真个是廬山  
芒鞋青竹杖自掛百錢游頗怪深山裏入人識故侯

蝸牛

蘇軾

腥涎不滿殼聊足以自濡升高不知回竟作黏壁枯

讀史

蘇轍

江河浪如屋要須滄海容可憐狄仁傑猶復負婁公

道老齋三首

蘇轍

久無叩門聲啄啄問何故田中有人至昨夜盈尺雨  
避事已謝客養性不看書書中多感遇掩卷輒長吁

人言里中舊獨有陳太丘文若命世人惜哉憂人憂

陪謝師厚遊百花洲槃礴范文正公祠下道羊曇哭謝

安事因讀生存華屋處零落歸山丘為韻

憶在昭陵日傾心用老成功歸 仁祖廟政得一書生

黃庭堅

羊生但着鞭勿哭西州門故有不亡者南山相與存

慶州自不惡籍甚載聲華忠義可無憾公今有世家

公歸未百年鷓鴣荒古屋我吟珍瘁詩悲風韻高木

傷心詞下字在時公燕處臨水不相猜江鷗會人語

公有一盃酒與人同醉醒遺民能記憶欲語涕飄零

委徑問謠俗高丘省佃作昔遊非苟然今花幾開落

在昔實方枘成公見圓機九原尚友心白首要同歸

人去洲渚在春回花草班清談值淵對發興如江山

落日銜城壁祠東更一遊悲來惜酒少安得董糟丘

謫居黔南五首

黃庭堅

相望六千里天地隔江山十書九不到何用一開顏  
霜降水反壑風落木歸山冉冉歲華晚昆蟲皆閉關  
冷淡病心情暄和好時節故園音信斷遠郡親賓絕  
山郭燈火稀峻天星漢少年光東流水生計南枝鳥  
冥性齊遠近委順隨南北歸去誠可憐天涯住亦得

蠶婦

張俞

昨日到城郭歸來淚滿巾遍身羅綺者非是養蠶人

秦王纜缸石

楊蟠

色陰長帶雨疑是白雲根欲問東廵事今猶不敢言

紈扇

張舜民

紈扇本招風曾將熱時用秋來掛壁上却被風吹動

鴈

陳師道

來往違寒暑飛鳴在稻梁未知溟海天不肯過衡陽

春日

崔鵬

落日不可盡丹林紫谷開明明遠色裏歷歷暝鴉回

題清溪雪峯樓

崔鵬

題詩最高處不為付人看記着今朝勝山明松雪寒

歲暮書堂

江革

霜重階鋪紈風凜肌生粟心莊耳目清思慮無由俗

長安在何許二首

賀鑄

長安在何許疑在青天上矯首颺西風浮雲斷人望

長安在何許疑在白日下裴徊天一隅華月生新夜

六言

題舒州山谷寺石牛洞

王安石

水泠泠而北出山靡靡而旁圍欲窮源而不得竟悵望以空歸

題西太一宮

王安石

柳葉鳴蜩綠暗荷花落日紅酣三十六陂煙水白頭想見江南

四賢吟

邵雍

彥國之言鋪陳晦叔之言簡當君實之言優游伯淳之言條暢四賢洛陽之望是以在人之上 有宋熙寧之間大為一時之壯

獨坐

文同

不報門前賓客已收案上文書獨坐水邊林下宛如故里閑居

相如

文同

相如何必稱病靖節奚須去官就下其誰不許如愚是處皆安

鷺鷥

文同

避雨竹間點點迎風柳下翻翻靜依寒蓼如畫獨立晴河可憐

題鄭防畫夾三首

黃庭堅

子母猿啼榭葉山南山北危幾世故誰能樗里穀中皆是由基

惠崇煙雨歸鴈坐我瀟湘洞庭欲喚扁舟歸去故人言是丹青

折葦枯荷共晚紅榴苦竹同時睡鴨不知飄雪寒雀四顧風枝

蟻蝶圖

黃庭堅

胡蝶雙飛得意偶然畢命網羅羣蟻爭收墜翼策勳歸去南柯

有惠江南帳中香者戲作

黃庭堅

螺甲割崑崙耳香材霄鷓鴣班欲雨鳴鳩日永下帷睡鴨春閑

子瞻繼和復荅

黃庭堅

迎燕溫風苑苑潤花小雨班上一炷煙香得意九衢塵裏偷閑

和高子勉

黃庭堅

句法俊逸清新詞源廣大精神建安數六七子開元纔兩三人



登山望海

張耒

鳥去蒼煙古木人歸綠野孤舟信美雖非吾土消憂且復登樓

寧浦書事

秦觀

揮汗讀書不已人皆怪我何求我豈更求聞達日長聊以鋪憂

大宋文鑑卷第二十六

